



Kattusseqatigiit Partiiat

Anthon Frederiksen

Ulloq 29. november 2007

Inatsisartut suleriaasianni § 36 imm. 1 naapertorlugu apeqquteqaat imaattoq Naalakkersuisunut ingerlateqqippara:

Naalakkersuisunut apeqqut:

- Sooq Royal Greenland Kalaallit Nunatsinni Danmark-imilu sulisuminik assigiinngisitsiva?
- Taamaaliornermi sooq suliffeqarfissuup ataatsip (Royal Greenland-ip) Kalaallit Nunatsinni sulisuminik, ilami sulisorpassuarnik ullormiik ullormut soraarsitsisartup Danmark-imi sulisuminut periuseq Kalaallit Nunaanni atorneqartoq atornianngilaa?
- Sooq Royal Greenland-ip Kalaallit Nunatsinni sulisuminik soraarsitsissangaangami, sulisut ullormiik ullormut soraarsiinnannangit allami sulilersinnaanerannik innersuussineq ajorpa?
- Aamma sooq Royal Greenland Kalaallit Nunatsinni sulisuminik ullormiit ullormut soraarsitsiinnarani – sulisut soraarsinneqartussat ilinniagaqalersinnaanerani pillugu sulisunik isumaqatiginninniarnaq ajorpa?
- Imaluunniit sooq Royal Greenland Nunatsinni sulisuminik soraarsinneqartussanik isumaqatigiissuteqarniarneq ajorpa?
- Royal Greenland-imi sulisut kalaallit danskillu taama atsigisumik assigiinngisinneqassappata, qanoq ilillutik naalakkersuisut sulisartunut kallallinut illersuisinnaappat?

(Inatsisartunut ilaasortaq Anthon Frederiksen, Kattusseqatigiit partiiat)

Tunngavilersuut:

28. november 2007-imi Radio-avis-ikkut aamma Qanorooq-kut oqaatigineqarpoq; Royal Greenland-ip fabrik-kiani Glyngøre-miittumi sulisut 130 atorneqaatissaannik, aalisakkat nerpiinik suliarinninnerup Polen-imut nuunneqarsinnaanera pillugu sulisunik isumaqatiginninniarnaq Royal Greenland-ip aallartinniaraa. Tassani sulisut allamik suliffissaqartinneqarnissaat imaluunniit ilinniagaqalersinnaanissaat anguniarlugu.

Siunertaq torrak, kisianni sooq Royal Greenland Kalaallit Nunatsinni sulisorpassuarminik ullormiik ullormut soraarsitsiinnarani Danmark-imi sulisuminut periutsini Nunatsinni atorneq ajorpaa ?

Tassami Suliffeqarfissuup ataatsip iluani sulisunik assigiinngisitsinerujussuaq tusagassiuutitigut nalunaaruteqarnikkut ersersinneqartoq **Kattusseqatigiit Partiianniit** akuersaarsinnaanngilluinnarparput.

Isumaqarpungut naalagaaffeqatigiinnerup iluani inatsisini tunngaviusuni (grundloven) aalianger-sakkanut iliuutsit naapertuutinnngilluinnartut. Tassami Danmark-ip naalagaaffiani innuttaasut assigi-inngisinneqartussaannngillat (ingen diskrimination) ingen forskelsbehandling).

Kattusseqatigiit Partiiani isumaqarpungut; Royal Greenland-ip sulisunut soraasitsisarnermut tunngatillugu periusai, paatsoorneqarsinnaangitsumik sulisunik kalaallinik danskinillu assigiinngis-itsisoq.

19. November 2007 naalackersuisunut **Kattusseqatigiit partiianiit** makkuninnga apeqquteqarpungut: (*suli akineqanngitsunik*)

- „Danskit - kalaallit nunatta nunasiaataasimanerata kingunipilui (iluaqutissartaqarpallu iluaqutis-sartai) - arlaannaannulluunniit attuumassuteqanngitsumik misissuiffingineqarnissaanut piumasaqarfingineqassappata naalackersuisut qanoq isumaqarpat?
- Tassunga ilanngullungu danskit naalangaaffiata Thule-mi amerikamiut base-qartitsinerat atuinerallu dansk-nut qanoq iluanaarutaasarnera pillungu ersarinnerusunik nassuiaateqarnissaat, tassa naalangaaffinnut peqatingiinnut akiliuteqartitsisarnermut tunngasut ilanngullungit?

Inatsisartuni sulinitsinni uppersarnerqarsinnaasumik paasissutissat allangangorlungit pingineqalerpata, suliniutit toqqammaveqarluartumik ingerlanneqarsinnaaneri tamatta takorloorsinnaavarput.

Taamaattumik qulaani taaneqartut arlaannaannulluunniit attuumassuteqanngittunik misissuiffingineqarsinnaaneri, nunamik aqutsinitsinni aamma ajornartorsiutinik akiuniarnitsinni atorluarneqarsinnaasunik paasissutissanik pissarsivingineqarsinnaaneri **Kattusseqatigiit Partiianiik** pisariaqartoq isumaqarpungut“